



БҰЙРЫҚ

ПРИКАЗ

2022 ж. 20 қаңтар

НҰР-СҰЛТАН қаласы

№ *212*

город НУР-СҰЛТАН

**«Білім беру бағдарламалары
тізілімдерінің кейбір мәселелері
туралы» Қазақстан Республикасы
Білім және ғылым министрінің
2018 жылғы 4 желтоқсандағы
№ 665 бұйрығына өзгеріс енгізу туралы**

«Құқықтық актілер туралы» Қазақстан Республикасы Заңының 65-бабының 3-тармағына сәйкес **БҰЙЫРАМЫН:**

1. «Білім беру бағдарламалары тізілімдерінің кейбір мәселелері туралы» Қазақстан Республикасы Білім және ғылым министрінің 2018 жылғы 4 желтоқсандағы № 665 бұйрығына мынадай өзгеріс енгізілсін:

көрсетілген бұйрықпен бекітілген Техникалық және кәсіптік, орта білімнен кейінгі білімнің білім беру бағдарламаларының тізілімін қалыптастыру және жүргізу жөніндегі әдістемелік ұсынымдар осы бұйрыққа қосымшаға сәйкес жазылсын.

2. Қазақстан Республикасы Білім және ғылым министрілігінің Техникалық және кәсіптік білім департаменті (Н.Ж. Оспанова) осы бұйрықты облыстардың, Нұр-Сұлтан, Алматы және Шымкент қалаларының білім басқармалары басшыларының назарына жеткізсін.

3. Осы бұйрықтың орындалуын бақылау жетекшілік ететін Қазақстан Республикасының Білім және ғылым вице-министріне жүктелсін.

4. Осы бұйрық қол қойылған күнінен бастап күшіне енеді.

Министрдің
міндетін атқарушы



К. Ергалиев
К. Ергалиев

Қазақстан Республикасы
Білім және ғылым
министрінің міндетін
атқарушының
2022 жылғы «20» 05
№ 212 бұйрығына 2-қосымша

Қазақстан Республикасы
Білім және ғылым
министрінің
2021 жылғы 4 желтоқсандағы
№ 665 бұйрығына
2-қосымша

Техникалық және кәсіптік, орта білімнен кейінгі білімнің білім беру бағдарламаларының тізілімін қалыптастыру және жүргізу жөніндегі әдістемелік ұсынымдар

1-тарау. Жалпы ережелер

1. Осы Техникалық және кәсіптік, орта білімнен кейінгі білімнің білім беру бағдарламаларының тізілімін қалыптастыру және жүргізу жөніндегі әдістемелік ұсынымдар (бұдан әрі – Әдістемелік ұсынымдар) техникалық және кәсіптік, орта білімнен кейінгі білімнің білім беру бағдарламаларын есепке алудың ақпараттық ортасын қалыптастыру және жүргізу жөніндегі бірыңғай тәсілді айқындау мақсатында әзірленді.

2. Әдістемелік ұсынымдар ұсынымдық сипатта болады.

3. Осы Әдістемелік ұсынымдарда келесі түсініктер қолданылады:

1) білім беру бағдарламасы (бұдан әрі – ББ) - оқытудың мақсатын, нәтижелері мен мазмұнын, білім беру процесін ұйымдастыруды және оларды іске асыру тәсілдері мен әдістерін, оқыту нәтижелерін бағалау өлшемшарттарын қамтитын білім берудің негізгі сипаттамаларының бірыңғай кешені;

2) білім беру бағдарламасының паспорты (бұдан әрі – ББ паспорты) - мыналарды қамтитын бағдарламаның қысқаша сипаттамасы: мамандықтың коды мен атауы; біліктіліктің (біліктіліктердің) коды мен атауы; өңір; әзірлеушінің техникалық және кәсіптік, орта білімнен кейінгі білім беру ұйымының (бұдан әрі – ТжКОБ) атауы; әріптес-әзірлеушілер; ББ мақсаты; ұлттық біліктілік шеңбері бойынша деңгей (бұдан әрі - ҰБШ); салалық біліктілік шеңбері (бұдан әрі-СБШ) бойынша деңгей; пайдаланылған кәсіптік стандарттардың және WorldSkills кәсіптік стандарттарының атауы (бар болса); оқыту нысаны; білім беру базасы; кредиттердің жалпы көлемі;

Жұмыс берушінің және/немесе индустриялық кеңестің келісуімен ББ паспортын мақұлдау туралы білім беру ұйымының әдістемелік (оқу-әдістемелік/ғылыми-әдістемелік) кеңесінде ББ қарау күні (отырыс хаттамасынан үзінді); білім беру қызметімен айналысуға лицензияның нөмірі және қосымшаның нөмірі; осы мамандық бойынша мамандандырылған аккредиттеуден өту күні (бар болса); ББ-ның ерекше ерекшеліктері; оқыту нәтижелері/пәннің қысқаша сипаттамасы; кредиттер/сағаттар көлемі (оқыту нәтижелері (пәндер));

3) Техникалық және кәсіптік, орта білімнен кейінгі білімнің білім беру бағдарламаларының тізілімі (бұдан әрі – ББ тізілімі) – ББ паспорттарын толтыруды техникалық қамтамасыз ету, ақпаратты автоматтандырылған өңдеу, ТжКОБ ұйымдары әзірлеген білім беру бағдарламаларының тізбесін қамтитын ақпараттың сақталуын және қорғалуын қамтамасыз ету жүзеге асырылатын ақпараттық жүйе;

4) әкімші - ББ тізілімін қалыптастыруды жүзеге асыратын "TALAP" коммерциялық емес акционерлік қоғамы;

5) сараптамалық топ – ББ сараптамасын бірлесіп жүзеге асыру үшін оқу-әдістемелік бірлестік ұсынған өндірістен педагогтар мен мамандардан тұратын тобы.

4. ББ тізіліміне қолжетімділік үлгідегі ұйымдар үшін Интернет желісі арқылы беріледі, ал ондағы мәліметтер мүдделі тұлғалар танысу үшін ашық және қолжетімді болып табылады.

2-тарау. ББ тізілімін жүргізу

5. ББ тізілімін жүргізу мемлекеттік және срыс тілдерінде жүзеге асырылады.

Тізілімге орналастыру үшін ББ паспортын ББ әзірлеу тіліңде үлгідегі ұйымдар ұсынады.

6. Әкімші Тізілімді жүргізуді ББ паспортын Тізілімге енгізу, ББ паспортының сараптамасын ұйымдастыру, ББ паспортын Тізілімге енгізу немесе ББ паспортын Тізілімнен алып тастау үшін құжаттарды алу және тексеру жолымен жүзеге асырады.

3-тарау. ББ тізілімін қалыптастыру

7. ТжКОБ ұйымдарына ББ паспортын ББ тізіліміне енгізу үшін 1 тамызға дейін Әкімшінің электрондық мекенжайына ресми түрде мынадай құжаттарды жіберу ұсынылады:

1) Әдістемелік ұсынымдарға 1-қосымшаға сәйкес нысан бойынша өтінім;

2) Әдістемелік ұсынымдарға 2-қосымшаға сәйкес ТжҚОБ мамандығы бойынша ББ паспорты;

3) жұмыс берушінің және/немесе индустриялық кеңестің келісімімен ББ паспортын мақұлдау туралы білім беру ұйымының әдістемелік (оқу-әдістемелік/ғылыми-әдістемелік кеңесінің шешімі (отырыс хаттамасынан үзінді).

8. Әкімші осы Әдістемелік ұсынымдардың 7-тармағында көрсетілген құжаттардың толықтығын тексереді және ББ паспортын сараптама жүргізу үшін сараптама тобына жібереді. Құжаттар топтамасы толық ұсынылмаған жағдайда, Әкімші жетіспейтін құжаттарды ұсыну қажеттігі туралы ТжҚОБ ұйымын хабардар етеді.

9. ТжҚОБ ұйымы Әкімшінен хабарлама алған сәттен бастап 2 (екі) жұмыс күні ішінде жетіспейтін құжаттарды ұсынады.

10. Сараптама тобы ББ сараптамасының нәтижелері бойынша мынадай шешімдердің бірін қабылдауға құқылы:

1) ББ тізіліміне енгізу үшін ББ паспортын мақұлдау;

2) ПБ паспортын кейіннен қайта қарай отырып, пысықтауға жіберуге міндетті (бір реттен артық емес);

3) ББ паспортын қабылдамау.

11. Әкімші сараптау тобының шешімі туралы ТжҚОБ ұйымын хабардар етеді.

12. Сараптама тобының ББ паспортын пысықтау туралы шешімі кезінде ТжҚОБ ұйымы күнтізбелік 5 (бес) күн ішінде ББ паспортын пысықтайды және қайта сараптамаға жібереді.

13. Сараптама тобы ПБ пысықталған паспортын күнтізбелік 5 (бес) күн ішінде қарайды.

14. Білім беру ұйымы ББ тізілімінде қолданыстағы білім беру бағдарламасын жаңартуға өтінім беруге құқылы. Керсетілген өтінімді алған кезде сараптама тобына жаңартылған ББ паспортына сараптама жүргізу және тиісті шешімді Әкімшіге жіберу ұсынылады.

4-тарау. ББ паспорттарын тізілімге енгізу және алып тастау тәртібі

15. ББ паспорттарын тізілімге енгізуді Әкімші 25 (жиырма бесінші) тамыздан кешіктірмей жүзеге асырады.

Тізілімге енгізу туралы сараптама тобының шешіміне алған ББ паспорттары тізілімде орналастырылады.

16. Әкімші ББ паспортын тізілімнен шығаруды себебін көрсете отырып, Тізілімнен алып тастау туралы ТжҚОБ ұйымының өтінімі негізінде жүргізеді:

- лицензияны, лицензияға қосымшаны кері қайтарып алу (білім беру саласындағы уәкілетті орган комиссиясының хаттамасынан үзінді);

- ТжКОБ ұйымының ББ өткізуден бас тартуы;
- ББ өзектілігін жоғалту (3 (үш) жыл ішінде мамандық бойынша талапкерлерді қабылдау болмаған жағдайда; ББ жаңартулары).

Техникалық және кәсіптік,
орта білімнен кейінгі
білімнің білім беру
бағдарламаларының
тізілімін қалыптастыру
және жүргізу жөніндегі
әдістемелік ұсынымдарға
1-қосымша

Өтінім

_____ ТЖКОБ ББ тізіліміне орналастыру және
сараптама жүргізу үшін мамандық бойынша білім беру бағдарламасының
паспортын жібереді

(Білім беру ұйымының атауы)

_____, *(коды, атауы)* біліктіліктің (дін) _____
(коды, атауы)

Қосымшалар: ТЖКОБ мамандығы бойынша ББ паспорты
Білім беру ұйымының әдістемелік (оқу-әдістемелік/ғылыми-әдістемелік)
кеңесінің жұмыс берушінің және/немесе индустриялық кеңестің келісімімен
ББ паспортын мақұлдау туралы шешімі (отырыс хаттамасынан үзінді)

Басшы _____ **аты-жөні**

Орындаушы:

Аты-жөні (толығымен) _____

ұялы телелефон _____

e-mail _____

Техникалық және кәсіптік,
орта білімнен кейінгі
білімнің білім беру
бағдарламаларының
тізілімін қалыптастыру
және жүргізу жөніндегі
әдістемелік ұсынымдарға
2-қосымша

Білім беру бағдарламасы паспортының құрылымы

Мамандықтың коды және атауы:			
Біліктіліктің (Біліктіліктің) коды және атауы:			
Өңір:			
ТЖКОБ ұйымы (әзірлеуші):			
Әзірлеуші әріптестер:			
ББ мақсаты:			
ҰБШ бойынша деңгей:			
СБШ бойынша деңгей:			
Кәсіби стандарт (бар болса):			
WorldSkills кәсіби стандарты (бар болса):			
Оқыту түрі:			
Білім базасы:			
Оқыту тілі:			
Кредиттердің жалпы көлемі:			
Білім беру ұйымының әдістемелік (оқу-әдістемелік/ғылыми-әдістемелік) кеңесінде жұмыс берушінің және/немесе индустриялық кеңестің келісімімен білім беру ұйымының паспортын мақұлдау туралы (отырыс хаттамасынан үзінді) қарау күні			
Білім беру қызметімен айналысуға арналған лицензияның нөмірі:			
Білім беру қызметімен айналысуға арналған лицензияға қосымшаның нөмірі:			
Осы мамандық бойынша мамандандырылған аккредиттеуден ету күні (бар болса)			
ББ ерекшеліктері:			
Модульдер (пәндер) мазмұны туралы мәліметтер:			
№	Модульдің/пәннің атауы	Оқу нәтижелері/Пәннің қысқаша сипаттамасы	Кредит/сағат көлемі
1		1. ... 2.

...
-----	-----	-----	-----

«Мамандықтың коды және атауы» жолында мамандықтар мен біліктіліктер сыныптауышына сәйкес мамандықтың коды және атауы (сызықшалар мен тырнақшаларсыз) көрсетіледі (мысалы, 07320700 автомобиль жолдары мен әуеайлақтарды салу және пайдалану). Кодты толтырған кезде, ұяшық пішімі бірінші сан «0» пайда болатындай мәтіндік болуы керек.

«Біліктіліктің/біліктіліктердің коды мен атауы» деген жолда мамандықтар мен біліктіліктер сыныптауышына сәйкес Біліктіліктің коды және біліктіліктің атауы (сызықшалар мен тырнақшаларсыз) көрсетіледі. Егер ББ бірнеше біліктілік бойынша кадрлар даярлауды көздейтін болса, әрбір біліктіліктің коды мен атауын көрсету қажет (мысалы, 3W07320701 Жол жұмысшысы, 3W07320702 Жол-құрылыс машиналарының машинисі).

«ТЖКОБ ұйымы (әзірлеуші)» және «Әріптестер - әзірлеушілер» алаңдарын толтыру кезінде меншік нысанының аббревиатурасы және тырнақшаларда ұйымның атауы көрсетіледі (мысалы, «Қостанай автомобиль көлігі колледжі» КМҚК, «Astana Motors Almaty» ЖШС Алматы к.).

«ББ мақсаты» жолында білім беру бағдарламасының мақсаты жазылады.

«ҰБШ бойынша деңгей» деген жолда ұлттық біліктілік шеңбері бойынша деңгейге сәйкес келетін біліктілік деңгейі таңдалады және көрсетіледі. Егер ББ бірнеше біліктілік бойынша кадрлар даярлауды көздейтін болса, әрбір біліктіліктің ҰБШ бойынша деңгейлерін көрсету қажет.

СБШ бойынша деңгей жолында СБШ сәйкес келетін біліктілік деңгейі көрсетіледі. Егер ББ бірнеше біліктілік бойынша кадрлар даярлауды көздейтін болса, әрбір біліктіліктің СБШ бойынша деңгейлерін көрсету қажет (мысалы, 3-4-5 санмен жазылады).

«Кәсіби стандарт (бар болса)» жолында ББ әзірлеу кезінде пайдаланылған бұйрықтың атауы, нөмірі және кәсіби стандартты(тарды) бекіту күні көрсетіледі. Бекітілген кәсіби стандарт болмаған жағдайда, жолда «жоқ» деген сөз көрсетіледі.

«WorldSkills кәсіби стандарты (бар болса)» жолында ББ әзірлеу кезінде пайдаланылған WorldSkills кәсіби стандартының(тарының) атауы көрсетіледі. WorldSkills бекітілген кәсіби стандарты болмаған кезде жолда «жоқ» деген сөз көрсетіледі.

«Оқыту нысаны» жолында ББ игеру көзделген оқыту нысаны (күндізгі, кешкі, сырттай, экстернат) көрсетіледі.

«Білім беру базасы» жолында базасында ББ бойынша кадрлар даярлау көзделген білім көрсетіледі (негізгі орта білім, жалпы орта білім, білікті жұмысшы кадрлар біліктілігімен техникалық және кәсіптік білім, орта буын маманы біліктілігімен техникалық және кәсіптік білім).

«Оқыту тілі» жолында ББ (мемлекеттік, орыс) бойынша кадрлар даярлау көзделген оқыту тілі көрсетіледі.

«Кредиттердің жалпы көлемі» деген жолда ББ-да көзделген кредиттердің жалпы көлемі көрсетіледі.

«ББ-ның жұмыс берушінің және/немесе индустриялық кеңестің келісімімен ББ паспортын мақұлдау туралы білім беру ұйымының әдістемелік (оқу-әдістемелік/ғылыми-әдістемелік) кеңесінде қаралған күні» деген жолда ББ-ның қаралған күні көрсетіледі.

«Білім беру қызметімен айналысуға арналған лицензияның нөмірі» деген жолда мамандық бойынша білім беру қызметімен айналысуға арналған лицензияның нөмірі көрсетіледі.

«Білім беру қызметімен айналысуға арналған лицензияға қосымшаның нөмірі» деген жолда осы біліктілік/біліктіліктер бойынша білім беру қызметімен айналысуға арналған лицензияға қосымшаның нөмірі көрсетіледі.

«Осы мамандық бойынша мамандандырылған аккредиттеуден өту күні (бар болса) деген жолда ББ мамандығы бойынша мамандандырылған аккредиттеуден өту күні көрсетіледі. Егер осы мамандық бойынша мамандандырылған аккредиттеу жүргізілмесе, сызықша қойылады («-»).

«ББ-ның ерекше ерекшеліктері» деген жолда ББ-ның ерекшеліктері көрсетіледі. Мысалы, тиісті сала бойынша жаңа кәсіптердің атласын (атластан дәл не пайдаланылды) пайдалану, осы мамандық немесе біліктілік (біліктіліктер) бойынша кадрлар даярлау жөніндегі шетелдік тәжірибені пайдалану, ерекше білім беру қажеттіліктері бар адамдарға арналған ББ және тағы басқалар жазылады. Егер ББ-ның ерекше белгілері болмаса, сызықша қойылады («-»).

Модульдердің/пәндердің мазмұны туралы мәліметтерді толтыру кезінде:

1) Техникалық және кәсіптік білім берудің мемлекеттік жалпыға міндетті стандартының (бұдан әрі - ТжКБ МЖБС) (оқытудың кредиттік-модульдік жүйесі) 1-қосымшасына сәйкес техникалық және кәсіптік білім берудің оқу жоспарының моделіне сәйкес ББ әзірлеу кезінде мыналарды көрсету:

– «Модульдің/пәннің атауы» деген бағанда индексті көрсете отырып, жалпы білім беретін пәндердің (бұдан әрі - ЖБП), базалық модульдердің (бұдан әрі - ЖБП) және кәсіптік модульдердің (бұдан әрі-ЖБП) атауы көрсетіледі (ЖБП 01., ООД 02, ООД..., БМ 1..., БМ 2...,..., ПМ 1..., ПМ 2...,...);

- «Оқыту нәтижелері/пәннің қысқаша сипаттамасы» деген бағанда әрбір модульдің оқыту нәтижелері және ЖБП пәндерінің сипаттамасы көрсетіледі;

- «Кредиттер/сағаттар көлемі» деген бағанда ЖБП-ны оқытудың (пәндердің) әрбір нәтижесіндегі кредиттердің көлемі көрсетіледі.

2) ТЖКБ МЖБС-ның 2-қосымшасына сәйкес техникалық және кәсіптік білім берудің оқу жоспарының моделіне сәйкес ББ әзірлеу кезінде (тәртіптік тәсіл) мыналарды көрсету:

- «Модульдің/пәннің атауы» деген бағанда пәндердің, кәсіптік практиканың және өндірістік оқытудың атауы көрсетіледі;

- «Оқыту нәтижелері/пәннің қысқаша сипаттамасы» деген бағанда пәннің, кәсіптік практиканың және өндірістік оқытудың сипаттамасы көрсетіледі;

- «Кредиттер/сағаттар көлемі» деген бағанда пән, кәсіптік практика және өндірістік оқыту кредиттерінің (сағаттарының) көлемі көрсетіледі;

3) орта білімнен кейінгі білім берудің оқу жоспарының моделіне сәйкес ББ әзірлеу кезінде:

- «Модульдің/пәннің атауы» деген бағанда индексті көрсете отырып, базалық және кәсіби модульдердің атауы көрсетіледі (БМ 1..., БМ 2...,..., ПМ 1..., ПМ 2...,...);

- «Оқыту нәтижелері/пәннің қысқаша сипаттамасы» деген бағанда әрбір модульдің оқыту нәтижелері көрсетіледі;

- «Кредиттер/сағаттар көлемі» деген бағанда оқытудың әрбір нәтижесіндегі кредиттердің көлемі көрсетіледі.